


S. Ulphy

Polyethylene
Kibuyashiki Sang



ՁՈՆԱԹԱՆ ՍՎԻՖՏ

ԳՈՒՅԻՆՎԵՐԸ
ԼԻԼԻՊՈՒՏՆԵՐԻ ՄՈՏ



825
U-84

ՊԵՏՑՐԱՏ 1934 ՅԵՐԵՎԱՆ



4-84

- 6 NOV 2011

ԳՐԻԼԻՎԵՐԸ

ՀԵԼՏՊՈՒՏՆԵՐԻ ՄՈՏ

Զ. Ավեման ՍՅՈՒԺԵՑՈՎ,

Վերապատմեցին

Տ. Գ.Ա.Բ.Ա. ՅԵՎ. Զ. ԶԱ.Դ.Ա.Խ.Ս.Յ.Ա.Ի.Վ.

ՆԿԱՐՆԵՐԸ Ժ. ԳՐԱՎԻԼԻՒ

Թ.ՌԱՆՔԻՆԻՑ ՎԻԼԻԱՂՐԵՑ

Հ. ՀԱ.ՅՐԱ.Պ.Ի.Տ.Ա.Վ.

31626

C N 35199
10-3-35199
II

ԹԵՍԱԿԱՆ ՀՐԱՏԱՐԱԿՉՈՒԹՅՈՒՆ
ԵՐԵՎԱՆ

1 9 3 4

05 AUG 2013

1031

Դատ. Խմբագիր՝ Ա. ՀԱՅՐԵԱՆ
Տելու. Խմբ. Տ. ԽՈՉՎԱՆՔՅԱՆ
Արքագրիչ՝ ԳԱՐ. ՀՈԿՈԲՅԱՆ



Q 1534-81

Գլուխութ № 8653 (թ), հրատ. № 3086, պատվիր № 1206, տիրած 10.000: Հանձնված և արտադրության 31 հունիսի 1934 թ., առարագրված և տպականացված համար 17 սեպտեմբերի 1934 թ.

Գիտության տպարան, Եկրեան



ԲԺԻՇԿ ԳՈՒԼԻՎԵՐԸ

Անտիլոպա» նավը չարագային ովկիանոսն եր ուղեցորդում:

Նավի յետեկի մասում կանգնած եր բժիշկ Գուլիվերը
և հեռագիտակով նայում եր:

Հեռվից յերեւում եր կանաչ ափը, իսկ բարձր փարոսն
արեգակի շողերի տակ փայլվում եր:

Ճայերը պտտվում եյին նավի շուրջը և թռչելիս
բռնում փոքրիկ սպասավորի նետած հացի կտորները,
Առջևում ընկած եր լայնարձակ ծովը:

Գուլիվերը բախտավոր եր:

Մանկությունից նա իրեն խոսք եր տվել ոտար յեր-
կըրներ տեսնել:

Նա ամենից շատ սիրում եր ծեր նավաստիների պատ-

մածները և ճանապարհորդության մասին գրած գրքերը:

Դպրոցում, ազատ ժամերին նա դիտում եր ծովային

կապույտ քարտեզները, սովորում ոտար լեզուներ և ծո-


վագնացություն:

Ծնողները ցանկանում եյին, վոր իրենց վորդին

բժիշկ դառնա:

Գուլիվերը համաձայնեց:

«Յես նավային բժիշկ կդառնամ,—մտածում եր նա, —
ամբողջ աշխարհը ման կդամ»:
Նրա ցանկությունը կատարվեց:
Գուլիվերը նավի վրա յեր:



ՐԻՆԱԿ գաղաններ վորսում:

Վերջապես «Անտիլոպան» վերադարձի ճանապարհը
բռնեց, բայց Գուլիվերը շուտ չհասավ իր հայրենիքը:

Մի գիշեր Գուլիվերը սարսափելի տատանում ից զարթ-
նեց: Նա դժվարությամբ կարողացավ տախտակամածի
վրա բարձրանալ: Քիչ եր մնում քամին ցած գլորեր
նրան: Նավն այս ու այն կողմն եր թեքվում: Գուլիվերի
մոտից վազում եյին վախեցած նավաստիները: Փոթորիկը
քշում եր նավը դեպի դուրս ցցված ծովաժայռերը: Փըր-
կություն չկար:

Քամին ջարդեց կայմերը, ալիքները նավի դեկը տա-
րան:

Վերջապես մի ուժեղ հարված նավը մի կողմ շղրտեց:
«Անտիլոպան» ուժգին զարնվեց ժայռերին:

Նավաստիները ցած թողին նավակը, բայց ալիքները
շուռ տվին:

Գուլիվերը շատ լավ լողալ զիտեր: Նա յերկար ժա-
մանակ լողում եր, ինքն ել չիմանալով թե ուր:


Աղի ջրի կաթիլները կուրացնում եյին նրան: Նա
շնչառառ եր լինում: Թրջված բաճկոնը և ուռած կո-
շիկները դեպի ծովի հատակն եյին քաշում: Զեռքերը
սառել եյին:

Գուլիվերը խեղղվում եր:

«Ոզնեցե՞ք, ոզնեցե՞ք... աղաղակում եր նա: Սակայն

շուրջը դատարկ եր և մութ: Ովկիանոսի խլացուցիչ աղ-
մուկը նրա ձայնն անլսելի յեր դարձնում:

Յեզ հանկարծ մի հսկա ալիք Գուլիվերին ցամաք
շպրտեց:



Ավը ծածկված եր փափուկ խոտով:
Գուլիվերն ափից քիչ հեռացավ, խոտի վրա պառկեց
ու քնեց:



ԼԻԼԻՄՈՒՏՆԵՐԻ ՅԵՐԿՐՈՒՄ

Րեզակի այրող ճառագայթներն
ընկել եյին ուղիղ Գուլիվերի աշ-
քերին:

Գուլիվերը զարթնեց:

Նա ուզեց ձեռքերը բարձրաց-
նել և աչքերը տրորել, բայց ձեռ-
քերը չբարձրացան: Ուզեց բարձ-
րանանտի, բայց շարժվել չկա-
րողացավ:

Նա չիմացավ, թե ինչ է պա-

տահել:

Գուլիվերը կապկպված եր սարդի վոստայնի թելերի
նման բարակ պարաններով: Նրա մազերը վաթաթված
եյին գետնի մեջ խփված փոքրիկ ցցերին:

Գուլիվերն ուսկանի մեջ ընկած ձկան եր նմանում:
«Յերկի զեռ քնած եմ», —մտածեց նա:

Բայց վո՞չ, յերազ չեր:

Ինչ-վո՞ր մի բան մկան նման մազլցում եր նրա վո-
տի վրայով:

Ահա. վազում ե, հասնում ե ծնոտին:
Գուլիվերը նայեց:
Այս բնչ հրաշք ե:



Նրա կրծքի վրա մի փոքրիկ մարդ եր կանգնել: Իսկական, վոտ ու ձեռ ունեցող մարդ:

Նա հագել եր զրահազգեստ, գլխին ուներ մետաղե գլխարկ, ձեռքին՝ վահան և սուր նիզակ:

Այդ մարդը հազիվ վարունգի չափ եր: Հինգ այզպիսի մարդ Գուլիվերի ափի վրա կարող եյին ազատ տեղափորվել:



Այդ փոքրիկ մարդու յետեից մագլցում եր մի ամբողջ խումբ: Մարդիկ շրջում եյին Գուլիվերի ծնկների, փորի, ուսերի վրա այնպես, վոր կարծես թե սարերի ու դաշտերի վրա շրջելիս լինելին:

Փոքրիկ մարդկանցից մեկը մոտեցավ Գուլիվերի քթին՝ ու նիզակով փորփորեց նրա քթածակը:
— Փուշտ, — փոշտաց Գուլիվերը:
— Փուշտ, — կրկնեց արձագանգը:
Փոքրիկ մարդիկ վախան:

Նրանք սայթաքում եյին: ընկնում, թռչում գետնի վրա:

Ծատերը վիրավորվեցին, իսկ մեկի վոաքը դուրս ընկավ:

Գուլիվերը փորձեց պարանները կտրել բայց նրանք ամուր եյին: Միայն մի ձեռքի կապերը կտրտվեցին:

Այդ ժամանակ Գուլիվերի վրա հազարավոր աղեղներից նետեր թափկեցին:

Նետերն ասես իսկական քորոց-

ներ եյին — փոքրիկ, բարակ, բայց սրածայր:

Նետերը Գուլիվերի յերեսն ու ձեռքերը ծակոտեցին:

Գուլիվերը հանդարտ սպասում եր, թե վերջն ինչ պետք ե լինի:

Փոքրիկ մարդիկ նորից շրջապատեցին Գուլիվերին և նրա ականջների տակ ամուսն ճոկիների նման ճոճում եյին:

Հանկարծ Գուլիվերն զգաց, վոր կարող ե գլուխը շարժել գետնին ամրացրած ցցերը, վորոնց վրա փաթաթել եյին Գուլիվերի յերկար մագերը, հանել եյին:

Նա գլուխը բարձրացրեց ու տեսավ, վոր կրծքին սանդուխք են դրել:

Սանդուխքի վրայով կամաց բարձրանում եր կանաչ թիկնոց հագած, փետրավոր գլխարկ դրած մի փոքրիկ մարդ: Ճկույթ մատի չափ հասակ ունեցող յերկու յերեխա բռնել եյին նրա թիկնոցի փեշերը:

Մարդը մոտեցավ Գուլիվերի գլխին և դանդաղ բաց արեց կանֆետի թղթի չափ փաթաթած մի թողթ:

— Լանգրո դեգյուլ սան, — ճտճտաց նա:


Գուլիվերը վոչինչ չհասկացավ, բայց փոքրիկ մարդու լուրջ դեմքից իմացավ, վոր նա թագավորական դեսպան ե:

Գուլիվերն աչքի կոպերն իջեցրեց և գլխով հնազանդության նշան արագ:

Փոքրիկ մարդը սիրալիր ժպտաց և թաշկինակը թափահարեց:

Ներքեմի մարդիկ իրարանցման մեջ ընկան:





անզուխքով մեկ-մեկ սկսեցին
բարձրանալ կռացած բեռնակիր-
ները:

Նրանք զամբյուղներով Գուլի-
վերի համար ուտելիք եյին բե-
րում:

Զամբյուղների մեջ կային
սիսեռի շափ հարյուրավոր հա-
ցեր, ընկույզի չափ բուզեր, մեր ճանձերից ել փոքրիկ՝
հավի ճտեր:

Գուլիվերը շատ ուրախացավ:

Նա շատ քաղցած եր ամբողջ յերկու որ վոչինչ չեր
կերել:

Ուտելիքները մեկը մյուսի յետերց կուլ տվեց:

Կերավ յերեք խաշած յեզ, ութ տապակած վոչխար,
առանինն ընտանի գոճի և հարյուր ճուտ ու սագ:

Փոքրիկ մարդիկ նայում եյին ուղիղ նրա բերանին.
Զամբյուղները դատարկվեցին:

Գուլիվերը կշտացավ, բայց ծարավ եր:

Փոքրիկ մարդիկը մեծ դժվարությամբ սանդուխքի
վրայով բարձրացրին յերկու տակառ գինի:

Տակառները շատ մեծ եյին. ամեն մեկը մեր բաժակի
չափ:

Գուլիվերը տակառների հատակը ջարդեց և գինին խմեց:




Նրա քունը տարավ:

Քնի մեջ նա լսում եր, թե ինչպես փոքրիկ մարդիկ
պարում եյին նրա կրծքի վրա և գոչում. «Գեկինա զե-
զյուլ, զեկինա զեզյուլ»:

Հետո ամեն ինչ հանդարտվեց:

Գուլիվերը խոր քուն մտավ:

Փոքրիկ մարդիկ գինուն քնացնող փոշի եյին խառնել:



յն յերկիրը, վոր փոթորիկը գը-
ցեց Գուլիվերին, կոչվում եր Լի-
լիպուտիա:

Այնտեղ լիլիպուտներ եյին ապ-
րում:

Լիլիպուտիայում ամենամեծ
ծառերը հաղարձի թփից մեծ չե-
յին, ամենամեծ տները սեղանից
փոքր եյին:

Գուլիվերին քնացրել եյին, վոր
իրենց մայրաքաղաքը փոխադրեն:

Հինգ հարյուր ատաղձագործ և հարյուր ճարտարագետ
քսաներկու անիվ ունեցող մի մեծ սայլ եյին պատրաս-
տել:

Իննը հարյուր ուժեղ մարդ հազիվ հաղ Գուլիվերին
սայլի վրա զցեցին:

Հազար ձի սայլը քաշ տվին Լիլիպուտիայի Միլլեն-
դո քաղաքը:



Գուլիվերը քնած եր:

Նա շտեսավ, թե ինչպես հեռվից փայլեցին Միլլեն-
դոյի աշտարակները, չլսեց, թե ինչպես աղմկում եյին
քաղաքից իր զեմը վազող լիլիպուտները:

Գուլիվերին բերին յերկորի ամենամեծ տունը:

Այդ տունը յերկու անկյուններին աշտարակներ ու-
նեցող մի ամրոց եր:

Ամրոցը գտնվում եր քաղաքի մոտ, մի կանաչ մար-
զագետնի վրա:

Ամ ըոցի դռներն այնքան բարձր եյին, վոր Գուլիվերը կարող եր կուզեկուզ ներս մտնել: Իսկ հանգիսի դահլիճում նա կարող եր մինչև անգամ ամբողջ հասակով պառկել:

Գուլիվերի վոտին մի ինչ-վոր բան կպավ ու ցավեց: Նա զարթնեց:

Նրա վոտքերի մոտ վիտում եյին թևերը քշտած, ոև գոգնոցներ կապած լիլիպուտներ:

Նրանցից յուրաքանչյուրի ձեռքին փայլում եր մի պստիկ մուրճ:

Սրանք պալատական դարբիններն եյին. Գուլիվերին շղթայակապ եյին անում:

Աշտարակի լուսամուտի ճաղերից մինչև նրա վոտները ձգված եյին իննսուն մեկ շղթա:

Շղթաների վրա յերեսուն վեց կողպեք կար:

Շղթաներն այնքան յերկար եյին, վոր Գուլիվերն ազատ կարող եր մարզագետնում ման գալ և իր տունը մտնել:



Դարբիններն իրենց գործը վերջացրին ու յետ քաշվեցին:

Պահակները պարանների կապերը կտրտեցին, և Գուլիվերը վոտի կանգնեց:

«Ա-ա-խ», — անցավ լիլիպուտների միջով:

«Կուինքուս ֆլեստրին, Կուինքուս ֆլեստրին»: Լիլիպուտերեն այս նշանակում ե Լեռ-Մարդ: Չորս կողմից վազում եյին հետաքրքրվողները: Նրանք շրջապատեցին Գուլիվերին, իրար հրում եյին, կովում:

Գուլիվերը վախենում եր շարժվել. կարող եր նրանցից մեկն ու մեկին տրորել:

Իսկ լիլիպուտները վիտում եյին նրա վոտների շուրջը, ձեռնահարում կոշիկները: Նրան տեսնելու համար այնքան եյին բարձրանում, վոր գլխարկներն ընկնում եր:

Յերեխաները վիճում եյին, թե կարելի՞ յե արդյոք մինչև Գուլիվերի քիթը քար գցել:

Յերկու սպիտակ միրուքավոր իմաստուն մարդ ել խոսում եյին, թե վհրտեղից ե յեկել Լեռ-Մարդը:

— Մեր հին գրքերում գրված ե, վոր հազար տարին մի անգամ ծովը մի սարսափելի հսկա յե ափ գուրս զցում: Յես կարծում եմ, վոր Լեռ-Մարդը ծովի հատակից ե գուրս յեկել — ասաց կանաչ գլխարկով իմաստունը:

— Վո՞չ, — ասաց կարմիր գլխարկով իմաստունը, — ծովային հսկաները պոչավոր են լինում: Լեռ-Մարդը լուսնից ե ցամաք ընկել:

Լիլիպուտիայում չգիտեյին, թե ուրիշ յերկիրներ ել կան: Նրանք կարծում եյին, թե աշխարհում միայն լիլիպուտներ են ապրում:

Իմաստունները վիճեցին, վիճեցին, բայց չկարողացան վորոշել. թե Լեռ-Մարդը վհրտեղից ե յեկել.

«ԹԱԳԱՎՈՐԻՆ ՃԱՆԱՊԱՐՀ ՏՎԵՔ»



և ձի նստած, աղեղները ձեռքներին՝ ձիավորները ցըռւմ եյին ամբոխը:

Զիերը նոր ծնված փիսիկների չափ եյին:

«Ճանապարհ, ճանապարհ տվեք թագավորին», — գոչում եյին ձիավոնները:

Գուլիվերը տեսավ անիմսերի վրա գրված մի վոսկե տուփ, վորին յերեք զույգ սպիտակ ձի յեր լծված:

Չորս մարդ գետնին մի կտոր թավիշ փոեցին և կառ-
քի դռները բաց արին:

Թագավորը հպարտ-հպարտ ցած իջավ և գնաց դեպի
Գուլիվերը:

Նորին մեծությանը լավ տեսնելու համար, Գուլիվերը
գետնի վրա պառկեց:



Նորին մեծությունը՝ հասակով մի մատիտի չափ եր,
ձեռքի թուրը՝ լուցկուց մի քիչ յերկար: Նրա շորերի
վրա վուկիներ ու թանգաղին քարեր եյին փայլում:

Թագավորը Գուլիվերի չորս կողմը պտտեց, մի յեր-
կար, անհասկանալի ճառ ծվծվաց և մինիստրների հետ իր
պալատը վերադարձավ:

Պալատում նրանք սկսեցին մտածել, թե Գուլիվերի
հետ ինչպես վարվեն:

Թագավորը և մինիստրներն ուզում եյին սպանել
նրանք կուինբուս ֆլեստրինից վախենում եյին:

Գուլիվերը մեղավոր չեր, վոր հասակով մեծ ե և վոչ
թե լիլիպուտ, բայց թագավորական պալատներում խիղճ
չկա:

Միայն թագավորի քարտուղար Ուելգրեսսելը պաշտ-
պանեց Գուլիվերին:

— Լեռ-Մարդուն չապանենք, զինվորական ծառայու-
թյան վերցնենք: Վոչ մի յերկիր այնպիսի պաշտպան չի
ունենա, ինչպիսին մեր յերկիրը:

— Դատարկ բան ե, — զոչեց Սկայրեշ Բոլգոլամը:

Սկայրեշ Բոլգոլամը վողջ լիլիպուտիայի նավատորմի-
դի հրամանատարն եր և շատ հայտնի մարդ: Վախենում
եր՝ չլինի թե Լեռ-Մարդն իր հոչակը նսեմացնի:

— Գանձարանում այնքան փող չի լինի, վոր այդ հրե-
շին կերակրենք, — ասաց աչքածակ գանձապահ ֆլիմնապը: —
ուտելու բան չտաք, թող մեռնի:

— Լավ, — ասաց թագավորը, — ուր ե իմ մեծ կնիքը:

Այդ ժամանակ մարգագետնում հետաքրքիր ամրութը
կրկին շրջապատել եր Գուլիվերին:

Հեծյալ պահակները պաշտպանում եյին նրան, բայց
այնուամենայնիվ հինգ թափառաշրջիկներ մոտեցան Լեռ-
Մարդուն և նրա վրա նետեր արձակեցին:

Նետերից մեկը քիչ մնաց Գուլիվերի աչքին դիպչի:

Պահակապետը շատ վախեցավ, կապկպեց չարաճճինե-
րին և Գուլիվերի վոտքերի տակ պառկեցրեց:

Գուլիվերը նրանցից մեկին վերցրեց, մոտեցրեց բեր-
նին և սկսեց ատամները չխչխացնել, իբրև թե ու-
զում ե վողջ-վողջ ուտել: Լիլիպուտը բարձր ծվծվաց:
Գուլիվերն իր դանակը հանեց: Լիլիպուտն ավելի բարձր
ծվծվաց:

Գուլիվերն զգուշությամբ դանակով պարանները
կարսեց, վոքրիկ մարդուն դրեց գետնի վրա և թույլ
տպեց, վոր իր ընկերների հետ գնա:

— Ուռա, ուռա, — բացագանչեցին լիլիպուտները և
գլխարկները դեպի վեր նետեցին:

Պահակապետն իսկույն սլացավ դեպի պալատը:

Գուլիվերի մահվան դատավճիռն արդեն ստորագրված
եր, մնում եր, վոր թագավորը կնիքը:

Հենց վոր թագավորը ձեռքը տարավ դեպի կնիքը,
դուռը բացվեց, և պահակապետը ներս մտավ:

Նա չոքեց թագավորի առաջ և պատմեց թե ինչ է
պատահել հրապարակում:

— Տեսնում եք, ձերդ մեծություն, — ասաց քարտու-
ղար Ուելգրեսսելը, — յեզ չասացի, վոր կունիբուս ֆլեստ-
րինը վտանգավոր չե: Յես կրկնում եմ, վոր նա մեր լավ
պաշտպանը կլինի:

Գուլիվերին ներեցին:

ԽՈՒԶԱՐԿՈՒԹՅՈՒՆ


Թագավորը յերկու աստիճանավոր ու-
ղարկեց Գուլիվերին խուզարկելու:

Գուլիվերը համաձայնեց և մինչեւ
անգամ ոգնեց նրանց: Նա զգուշու-
թյամբ աստիճանավորներին վերցրեց
և դրեց իր գրապահ մեջ:

Ամբողջ յերեք ժամ աստիճանա-



Վորները խուզարկում եյին Գուլիվերի գրպանները:
Վերջապես նրանք խնդրեցին, վոր Գուլիվերը գրպա-
նից հանի իրենց:



Նրանք Գուլիվերին գլուխ տվին և տարան ու թագա-
վորին հանձնեցին իրենց կազմած տրծանագրությունը
Լեռ-Մարդու իրերի մասին:

Ահա թե ինչ եյին գրել.

«Մենք, նորին մեծության Լիլիպուտիայի թագավորի
աստիճանավորներ, խուզարկեցինք Լեռ-Մարդուն և շատ
իրեր գտանք.

Բաճկոնի աջ գրպանում գտանք մի մեծ կտոր կոշտ
քաթան։ Այդ քաթանի կտորը թագավորի պալատում յե-
ղած ամենամեծ գորգից մեծ ե։

Զախ գրպանում գտանք մի արծաթե սնդուկ՝ իր խու-
փով։ Այդ սնդուկի մեջ դեղին փոշի կա, վորն անդուրե-
կան հոտ ունի։ Հոտից մենք մի ամբողջ ժամ փոշում
եյինք։

Ժիլետի աջ գրպանում մի բան կա, վոր նման և
թագավորական այգու ցանկապատին։ Դա մի յերկար
տախտակ ե, վորին քսան փայտ ե ամրացված։ Կար-
ծում ենք, վոր Լեռ-Մարդն այդ գործիքով սանրում ե իր
մագերը։

Ժիլետի ձախ գրպանից շղթայով կախված ե մի մեծ,
կլոր արկդ, վորի մի կողմն արծաթից ե, մյուսը՝ ապակուց։
Ապակու միջից տարորինակ նշաններ են յերևում։ Արկդի
մեջ մի ինչ վոր զազան ե նստած, վորը շարունակ ասում
ե «տիկ-տակ, տիկ-տակ, տիկ-տակ»։

Շալվարի գրպանում կա յերկաթից ու փայտից պատ-
րաստված մի սարսափելի մեքենա։

Գոտուց կախված ե մի այնպիսի մեծ դանակ, վորն
ամենամեծ լիլիպուտից հինգ անգամ յերկար ե։


Խուզարկության ժամանակ Լեռ-Մարդը քաղաքավարի
յեր ու համեստ։

Վավերացնում ենք մեր ստորագրությամբ ու կնիքով։
Թագավորական աստիճանավորներ՝

Կլեֆրին Ֆրելոկ
Մարսի Ֆրելոկ

Մյուս որը Գուլիվերի տան առաջ շարվեցին զորքերը։
Հավաքվեցին պալատականները, յեկավ ինքը՝ թագա-
վորը մինիստրների հետ և պահանջեց, վոր Գուլիվերն
ըրերը հանձնի։

Աստիճանավորները ցուցակը՝ կարդացին, իսկ Գուլի-
վերը մեկ-մեկ հանում եր,




Նա հանձնեց իր թաշկինակը, ծխախոտի տուփը, տանրը,
ժամացույցը, ատրճանակը և դաշտույնը։

Ատրճանակը լցված եր։ Գուլիվերը բարձրացրեց ու
կրակեց։

Լիլիպուտիայում մի չտեսնված դղրդյուն լսվեց:


Յերեք հազար զինվոր ուշաթափվեց, քիչ մնաց, վոր մինհստրներից յերկուսը վախից մեռնելին: Թագավորը գունատվեց, ձեռքերով յերեսը ծածկեց և յերկար ժամանակ աչքերը չեր կարողանում բաց անել:

Յերբ ծուխը ցրվեց և ամեն ինչ հանդարտվեց, թագավորը հրամայեց, վոր ատրճանակն ու դաշույնը զինանոցը տանեն:



Մնացած իրերը վերադարձին Գուլիվերին:

ԳՈՒԼԻՎԵՐԻ ՅԵՐԴՈՒՄԸ



Ի ամբողջ ամիս Գուլիվերը գերության մեջ եր:

Լիլիպուտիայի վեց ամենամաստուն գիտնականներն ամեն որ գալիս եյին նրա մոտ և սովորեցնում լիլիպուտների լեզուն:

Ամսվա վերջին Գուլիվերն արդեն կարողանում եր լիլիպուտների հետ խոսել:

Նա այնքան սիրալիր եր, վոր լիլիպուտներն այլևս նրանից չեյին վախենում,

Յերեխաները նրա մազերի մեջ պահմտոցիկ եյին խաղում, իսկ մեծերը նրա ձեռքերի վրա պար եյին գալիս:

Անվանի մարդիկ գալիս եյին նրա հետ զրույց անելու, իսկ թագավորն այցելում եր Գուլիվերին տոն որեբին:

Սակայն պահակները հետևում եյին նրա յուրաքանչյուր շարժումին, և շղթաները յերեքից ավելի քայլ անելու հարավորություն չեյին տալիս:

Գուլիվերը շատ տիպուր եր:

Շատ անգամ եր նա խնդրել թագավորին, վոր իրեն ազատի: Թագավորը խոստացել եր, բայց իր խոստումը չեր կատարում:

Այդպես ել կմեռներ նա գերության մեջ, յեթե հետախույզները չգեկուցելին թագավորին, թե Լիլիպուտիայի թշնամիները պատերազմի յեն պատրաստվում:

Բոլորը շատ վախեցան:

Թագավորը հիշեց Գուլիվերին:

«Պետք ե նրան ազատել և հետը լավ վարվել, - վճռեց նա, - այն ժամանակ Լեռ-Մարդը մեզ կպաշտպանի»:

Նա ուղարկեց Գուլիվերի մոտ իր քարտուղար Ռելդրեսելին, յերեք մինհստր, հինգ գեներալ և կնիք պահողին:

«Թագավորը ձեզ ազատություն ե տալիս, - ասաց քարտուղարը, - յեթե յերդվեք, վոր կպաշտպանեք Լիլիպուտիան թշնամիներից»:

Գուլիվերը չոքեց, ձախ ձեռքով բռնեց աջ կողիկի ծայրը, իսկ աջ ձեռքի բութ մատը դրեց ձախ ականջի վրա:

Լիլիպուտիայում այդպես են հավատարմության յերդում տալիս:

«Յես, Կունիբուս Ֆլեստրին, Լեռ-Մարդս, արտասանեց Գուլիվերը, - յերդվում եմ, վոր կպաշտպանեմ մինչև իմ արյան վերջին կաթիլը նորին բարձրության Գոլբաստո Մոարին եվլեմ Հերդայլտո Շեֆին՝ Մոլլի Ոլլի Հոյին Լիլիպուտիայի հզոր թագավորին և նրա յերկիրը»:


Դարբինները Գուլիվերի շղթաներն արձակեցին:

Նա ազատ եր:

Մինհստրները շնորհավորեցին Գուլիվերին և խնդրեցին քաղաքում զգուշ ման գա, վոր ժողովրդին կոխ չտա:



ԶԲՈՍԱՆՔ ՄԱՅՐԱՔԱՆԱՔՈՒՄ



Ենց նույն որը Գուլիվերը
գնաց մայրաքաղաքը դիտե-
լու:

Քաղաք գուրս զալուց յեր-
կու ժամ առաջ, տասներկու
մունետիկ վողջ քաղաքը շըր-
ջեցին:


Դրանցից վեցը փող եր
փչում, իսկ վեցն աղաղակում
եր:

«Միլդենդոյի բնակիչներ,
թագնվեցնք տներում: Կու-
նիքուս Ֆլեստրինը, Լեռ-

Մարդը, գալիս ե քաղաք»:

Փողոցները գատարկվեցին, և Գուլիվերը քաղաք մտավ:

Նա բաճկոնը հանեց, վոր փեշերը ջրատար խողովակ-
ներին ու պատշամբներին չկպչեն:



Զգուշ անցնում եր Գուլիվերը փողոցներով և դիտում
քաղաքի այգիները, աշտարակներն ու տները:
Այգիներն ասեղնազործ բարձերի եյին նմանում,

աշտարակները՝ հասնում եյին մինչև նրա գոտին, իսկ
տները շան բնից ել փոքր եյին:

Յերեմի Գուլիվերը գլխով բարեւում եր և պատու-
հաններից ներս նայում:

Միտան մեջ նա տեսավ սպիտակ թասակով մի խո-
հարաբ: Խոհարաբը հնդուհավ եր փետրում, վորը մեր մա-
յիսյան բգեղի չափ եր:

Միուրիշ տան մեջ դերձակը կար եր անում: Գուլի-
վերը գլխի ընկափ, վոր նա ասեղը թելում ե: Բայց ասեղն
ու թելն այնքան փոքր ու բարակ եյին, վոր Գուլիվերը
չնկատեց:

Դպրոցում աշակերտները նստարանների վրա նստած
դրում եյին:

Նրանք մեզ պես ձախից աջ չեյին գըում:

Πινετաβλοπεν්, Πινομραγαබλεμεν්
Վոչ ել արաբերենի պես աջից ձախ՝

لَوْ يَعْلَمُ الَّذِينَ كَفَرُوا حِينَ لَا يَكْفُونَ عَنْ وَجْهِهِمِ النَّارِ وَلَا عَنْ
ظَهُورِهِمْ وَلَا هُمْ يَنْصُرُونَ

Վոչ ել ինչպես չինացիք – վերսից ներքեւ

頭 西
內 域
屬 同
史 文
嗣 志

այլ մի անկյունից դեպի մյուս անկյունը:
Վերջապես Գուլիվերը հասավ թագավորի պալատը:
Պալատում տոնակատարություն կար:

Թագավորը հրավիրեց Գուլիվերին, վոր պատուհանից
նայի:

Դահլիճում կապված եյին մեր կոճի թելից վոչ հաստ
պարաններ:

Պալատականները հերթով պարում եյին և պարան-
ների վրայից թռչում: Ով վոր բարձր եր թռչում, մի-
նիստրի պաշտոն կամ շքանշան եր ստանում:

Այդպես եր ընտրում թագավորն իր մինիստրներին,
և Լիլիպուտիայի բնակիչներն ստիպված եյին հնաղան-
դել պարանի վրայից թռչողներին:

Գուլիվերին այս բոլորը ծիծաղելի թվաց: Նա բարձր
ծիծաղեց և տուն վերադարձավ:

Թագավորը վիրավորվեց, բայց չուզեց Գուլիվերի
հետ վեճի բռնվել:



ՀԱՂԹՈՒԹՅՈՒՆ

Երեք որից հետո թագավորական
գեսպանը, քրտինքի մեջ կորած
իր ձին նստած, ներկայացավ
Գուլիվերին:

— Լիլիպուտիայի գեղեցիկ թա-
գավորությանը պատերազմ և
հայտարարված: Թշնամիներն
իրենց նավերը պատրաստել են և
հաջող քամու յեն սպասում, վոր մեզ շրջապատեն: Թա-
գավորը խնդրում ե, վոր մեզ ոզնեք, — ասաց գեսպանը:

— Ցես խոստացել եմ պաշտպանել Լիլիպուտիան, —
պատասխանեց Գուլիվերը, — և խոստում կկատարեմ: Բայց
ինչից սկսվեց պատերազմը, և յես հւմ հետ պետք ե կըո-
վեմ:

— Մեր թշնամին Բլեֆուսկուի թագավորությունն ե,
— պատասխանեց գեսպանը: — Վատ յերկիր ե այդ Բլեֆուս-
կուն: Սրբեն հարյուր տարի յե, ինչ մենք պատերազմում
ենք նրանց հետ: Կարող եք յերևակայել, նրանք ձուն
կոտրում են բութ ծայրից:

— Միթե զա վատ ե, — հարցրեց Գուլիվերը:

— Իհարկե, — բացականչեց գեսպանը: — Հարյուր տարի
առաջ մեր թագավորի պատպը նախաճաշի ժամանակ ձու յեր
ուտում: Նա ձուն կոտրեց բութ ծայրից և մատը կտրեց: Այդ

որվանից թագավորը մահապատճի յերկյուղով հրամայեց,
վոր ձուն սուր ծայրից կոտրեն: Շատ լիլիպուտներ չու-
զեցին հնաղանդիլ թագավորին և փախան Բլեֆուսկու:
Այդ յերկրի թագավորը սիրալիր ընդունեց հանցավորնե-
րին և նրանց ծառայության ընդունեց: Յերկու թագա-
վորը վեճի բռնվեցին և այդ որվանից շարունակ պա-
տերազմում են իրար հետ:

Գուլիվերին ծիծաղելի թվաց ձվի պատճառով կոիվ
անելը, բայց խոստումը պիտի կատարեր:

Նա հազնվեց ու գնաց ծովափ, թշնամու նավատոր-
միղը դիտելու:

Բլեֆուսկուցիներն ապրում եյին կղզու վրա: Նրանք
ել Լիլիպուտների աես փոքրիկ եյին:

Գուլիվերը թազնվեց բլրի յետել և սկսեց դիտել, թե
ինչ ե կատարվում Բլեֆուսկույում:
Նավահանգստում 50 նավ կար:

Գուլիվերը յոթ տարեկան հասակում հենց այդ մե-
ծության նավեր ուներ:

Ծովափին խոնվել եյին զինվորներն ու նավաստի-
ները:

Գուլիվերը Միլդենդը վերադարձավ:

Փողոցներում մարդ չկար. բնակիչները թագնվել եյին
աներում — թշնամուց վախենում եյին:

Գուլիվերը գնաց պալատ և խնդրեց թագավորին, վոր
իրեն տան ամենաամուր պարաններ և ամենահաստ յերկա-
թե ցցեր:

Նա ամ բողջ գիշերը պարաններից ճոպան եր հյուսում
և յերկաթե ձողերից կեռեր պատրաստում:

Առավոտյան դեմ ամեն ինչ պատրաստ եր:

Թագավորը, մինիստրները, զորքը և Լիլիպուտիայի
հազարավոր բնակիչներ հավաքվել եյին ծովափ և նայում
եյին թե ինչպես է Գուլիվերը շորերն ու կոշիկները հանում:

Ահա նա ուսը զցեց ճոպաններն ու կեռերը, ջուրը
մտավ և լողաց:

Շուտով նա ծովային մշուշում կորավ:

Իսկ Բլեֆուսկույում նավերը պատրաստ եյին ճանա-
պարհ ընկնելու:

Նավաստիները կանգնած եյին իրենց տեղերում,
առաջաստները բաց եյին թողնված: Ափից յերաժիշտները


փող եյին փշում, իսկ ճանապարհ դնողները թաշկինակ-
ները թափահարում եյին:

Հանկարծ առաջին նավից տագնապի ազդանշաններ
լսվեցին:

Մի ահազին սև բան եր մոտենում Բլեֆուսկուին:
«Լողացող կղզի՝, լողացող կղզի՝» — աղաղակեցին Բլե-
ֆուսկուցիները:



Բայց դա կղզի չեր — Գուլիվերն եր:
Նա լողալով մոտեցավ նավերին, կեռերը ցցեց նրանց
մեջ, ճոպաններն ամրացրեց կեռերին, հետո դանակը հա-



նեց և խարիսխների ճոպանները կտրտեց:
Նավաստիները գորտերի պես ջուրը թուան:

Ափին կանգնած մարդիկ սարսափից քարացան: Նրանք
վախենում եյին, վոր սարսափելի հսկան իրենց նշանափոր
նավատորմիղը ջարդ ու փշուր կանի:

Բայց վոչ:

Հանկարծ յերեսը դարձրեց դեպի Լիլիպուտիայի
ափերը, և վողջ նավատորմիղը կանոնավոր կերպով, ինչպես
թոկից կապած շնիկ, շարժվում եր նրա յետելից:

Բլեֆուսկուցիներն իրար անցան, աղմուկ բարձրաց-
րին և նետեր արձակեցին:

Նետերը վժվժում եյին Գուլիվերի ականջի մոտ, ծակ-
ծըկում նրան, ցցվում մաշկի մեջ, բայց նա դեպի առաջ
եր լողում, և նրա հետ միասին՝ Բլեֆուսկուցիների նա-
վերն ու փառքը:



«ԿԵՑՑԵՇ ԼԻԼԻՊՈՒՏԻԱՅԻ ՓՐԿԻՉԸ»

ի ամբողջ շաբաթ լիլիպուտները տո-
նում եյին իրենց հաղթանակը:

«Կեցցե՛ կունիբուս ֆլեստրինը, լի-
լիպուտիայի փրկիչը» — գոչում եր
ժողովուրդը, իսկ թագավորը պարզե-
վատրեց նրան պետության մեջ գո-
յություն ունեցող բոլոր շքանշան-
ներով:

Յերբ տոնակատարությունը վեր-
շացավ, թագավորը Գուլիվերին իր մոտ կանչեց:

Նա հրամայեց կրկին Բլեֆուսկու գնալ — կործանել ամ-
րոցները, խել ժողովրդի հայն ու հոտերը և ստիպել
նրանց, վոր ընդմիշտ յենթարկվեն Լիլիպուտիայի թագա-
վորին:

Լիլիպուտիայի թագավորը, ինչպես և բոլոր թագա-
վորները, ուզում եր վողջ աշխարհը տիրել:

Քիչ առաջ նա ուրախացավ, վոր Լիլիպուտիան ապատ-
վեց, իսկ այժմ ուզում եր Բլեֆուսկուն տիրել:

— Զերդ բարձրություն, — ապատասխանեց Գուլիվերը, —
յես խոստացել եմ պաշտպանել Լիլիպուտիան, բայց յեր-
բեք չեմ համաձայնի խաղաղ մարդկանց վոչնչացնել:

Թագավորը վոչինչ չասաց, բայց ինքն իրեն յերդվեց,
վոր իր խոսքը չլսելու համար Գուլիվերից վրեժ առնի:

Շուտով Բլեֆուսկուից դեսպաններ յեկան հաշտություն խնդրելու:

Նրանք թագավորի համար բերել եյին տասը տոպրակ վոսկի և խոստանում եյին այլևս Լիլիպուտիայի վրա չհարձակվել:



Հետո իմացան, թե ինչ եր հրամայել թագավորը Գուլիվերին և թե ինչպես փերջինս հրաժարվել եր նրա հրամանը կատարելուց:

Դեսպանները գնացին Գուլիվերի մոտ, շնորհակալություն հայտնեցին և իրենց յերկիրը հրավիրեցին:

Գուլիվերի հին թշնամին, ծովակալ Սկայրեշը Բոլգոլամը տեսավ, թե ինչպես դեսպանները գնացին Գուլիվերի մոտ և նրա հետ խոսակցություն ունեցան:

Սկայրեշը Բոլգոլամը Գուլիվերին շատ եր նախանձում: Կուինիբուս Ֆլեստրինը քսանէինդ շքանշան ուներ, իսկ ինքը՝ միայն տասներկու:

Ծովակալը վազեց թագավորի մոտ և ասաց, թե Գուլիվերը դավաճան ե. նա խոսք ե տվել դեսպաններին, վոր գնա Բլեֆուսկուի թագավորի մոտ ծառայելու:

Թագավորն ուշադրությամբ լսեց ծովակալին և ասաց.

— Ժամանակ ե հանդուգն Կուինիբուս Ֆլեստրինին պատժելու:

Նա հրավիրեց մինիստրներին վորոշելու, թե ինչպես պատժեն Գուլիվերին:

— Գլուխը կտրենք, քնած ժամանակ խեղենք, թունավորենք այդ դավաճանին, — աղաղակում եր Սկայրեշը Բոլգոլամը: Բայց նախ և առաջ վերցնենք նրա բոլոր շքանշանները և տանք թագավորի հավատարիմ ծառաներից մեկին:

«Շքանշաններն ինձ կտան», — մտածում եր նա:

Մինիստրները վիճեցին:

Վոմանք առաջարկում եյին խեղենք, վոմանք՝ թունավորել:



Ոելդրեսսելը դարձյալ Լեռ-Մարդու կողմը պահեց.

— Կունիբուս Ֆլեստրինը փրկեց Լիլիպուտիան և բերեց Բլեֆուսկուի նավատորմիղը, — ասաց նա:

— Լսեցեք ինձ, — ասաց աչքածակ գանձապահ Ֆլիմնապը, — յես առաջարկում եմ Լեռ-Մարդու աչքերը հանել: Այն ժամանակ նա չի կարող փախչել և մենք կստիպենք նրան ջրանցքներ փորել, քարեր տեղափոխել, ջուր կրել: Դրանով նրան լավ պատիժ տված կլինենք, իսկ մեզ՝ մեծ ոգուտ:

Ֆլիմնապի խորհուրդը թագավորին գուր յեկավ և նա հրամայեց Գուլիվերի աչքերը հանել:

Ուշ գիշեր եր:

Մի մարդ Գուլիվերի տան գուռը թխթխացրեց:

Գուլիվերը դուռը բաց արավ:

Դոնից մկան պես ներս պրծավ մի սկագեստ մարդ:

Դա քարտուղար Իելդրեսսելն եր:

— Յես ձեզ մոտ շատ կարեոր գործով եմ յեկել, ասաց նա:

Գուլիվերը նրան վերցրեց, դրեց ձեռքի վրա և մոտեցրեց ականջին:

Քարտուղարը ցածր ձայնով պատմեց թագավորի և մինիստրների վորոշման մասին:


— Վաղը ձեր աչքերը հանելու յեն: Փախեք այստեղից, ասաց նա:



Գուլիվերը շնորհակալություն հայտնեց քարտուղարին և, վորպես հիշատակ, ընծայեց նրան իր մատանին։
Մելդրեսելը մատանին վորպես գոտի իր մեջքին անցկացրեց, և նրանք ընդմիշտ բաժանվեցին։



Նա բոռնցքները բարձրաց-
րած վազեց Միլտենդո, վոր աշտարակներն ու տները
կործանի.



Գուլիվերն ուզում եր քաղաքի պատերից անցնի, բայց
հանկարծ փոքրիկ մարդկանց խղճաց։

«Նրանք մեղավոր չեն, — մտածեց Գուլիվերը, — թա-
պավորն ու մինիստրներն են մեղավոր»։

Նա շուռ յեկավ ու դեպի ծովը գնաց։

Հիշեց, վոր Բլեֆուսկուցիներն իրեն հրավիրել են և
վճռեց գնալ նրանց մոտ։

Մութն եր: Բոլորը քնած եյին։

Վոչ վոք չտեսավ, թե ինչպես Գուլիվերը ջուրը մտավ,
վոչ վոք չլսեց, թե ինչպես ջուրը ճղփաց, յերբ նա լողալ
սկսեց։

Բլեֆուսկուի թագավորն ու բախությամբ դիմավորեց
նրան։

ՎԵՐԱԴԱՐՁ

ՊԼԻՎԵՐԸ շատ վիրավորվեց։
«Յերախտամոռ լիլիպուտներ,
— մտածեց նա, — իմ ցույց տված
ոգնության փոխարեն ուզում եք
կուրացնել ինձ... Յես վրեժ կհա-
նեմ ձեզանից»։

Նա բոռնցքները բարձրաց-
րած վազեց Միլտենդո, վոր աշտարակներն ու տները
կործանի.

Նա առաջարկեց Գուլիվերին իր մոտ ծառայության
մտնել, բայց Գուլիվերն այլևս թագավորին չեր հավա-
տում։

Տխուր-տրտում ման եր գալիս Գուլիվերը ծովի ափին։
Կարոտել եր իր հայրենիքին. մտածում եր, թե ինչպես
վերադառնա խոշոր մարդկանց մոտ։



Բայց ովկիանոսը բոլոր կողմերից շրջապատված եր
կղզիներով, և հորիզոնում վոչ մի առագաստ չեր յերեսում։
Գուլիվերը փորձեց նավակ պատրաստել, բայց այդ
յերկրի անտառների ամենահաստ ծառերն անգամ մակույ-
կի համար անպետք եյին։

Նա հայրենիք տեսնելու հույսը կտրեց.
Մի անգամ, ուժեղ փոթորկից հետո, Գուլիվերն, ինչ-
պես միշտ, առավոտյան զբոսանքի դուրս յեկավ։

Հեռվից նրան թվաց, թե ծովափնյա քարերի մոտ մի
մեծ ծովային կենդանի յե քնած։
Նա արագ մոտեցավ։

Տեսածը կենդանի չեր, այլ շուռ յեկած նավակ։
Գուլիվերն աչքերին չեր հավատում։

Նավակն ամուր եր, պակասում եյին միայն թիակ-
ները։

Գուլիվերն ամենաբարձր ծառերից յերկուսը կտրեց և
մի գիշերվա մեջ թիակներ պատրաստեց։

Հետո իր գլխարկը հաց ու միս լցրեց, վերցրեց նաև
վեց կենդանի վոչխար և յերկու կով։

Նա ուզում եր կովերն ու վոչխարներն իր ազգական-
ներին ցույց տալ։

Յերկար ժամանակ Գուլիվերը լողում եր ամայի ծո-
վում։


Վերջապես նավի առագաստ նկատեց:
Գուլիվերի սիրտն ուրախությունից թրվոաց:
Հենց հիմա, հենց հիմա խոշոր մարդիկ կտեսնի:
«Միայն թե նկատեն, միայն թե վերցնեն ինձ», — ո
մտածում եր նա:



— Ազատեցեք: Մոտեցեք ինձ: Ոգնեցեք, — զոչում եր
Գուլիվերը:

Մի ժամից հետո նավապետի սենյակում նստած, նա
պատմում եր իր արկածները:

Նավապետը չեր ուզում հավատալ, կարծում եր, թե
Գուլիվերը խենթ ե:




Բայց Գուլիվերը գրանից հանեց կովերն ու վոչխար-
ները և գրեց սեղանի վրա: Նրանք սկսեցին սեղանի վրա
վազվագել, ինչպես մարգագետնում:

— Դա աշխարհիս ամենազարմանալի պատմությունն
ե, — ասաց նավապետը:
Նավի առագաստները պարզած առաջ եր սլանում:
Մի ամսից հետո Գուլիվերը նավի տատանվող տախ-
տակամածից իր հայրենիքի ափն իջավ և գրկեց մորր,
հորը և բարեկամներին:



Այսպես հաջող վերջացան Գուլիվերի արկածները Լի-
լիպուտների յերկըում:




ԲՈՎԱՆԴԱԿՈՒԹՅՈՒՆ

1. Բժիշկ Գուլիվերը	7
2. Նավի խորտակումը	8
3. Լիլիպուտների յերկրում	9
4. Գուլիվերի ճայը	12
5. Գուլիվերը լիլիպուտների մայրաքաղաքում	13
6. «Թագավորին ճանապարհ տվեք»	15
7. Խուզաբարկություն	17
8. Գուլիվերի յերգումը	20
9. Զբոսանք մայրաքաղաքում	22
10. Հաղթություն	24
11. «Կեցցե՛ Լիլիպուտիայի փրկեց»	27
12. Վերադարձ	30

Հերերեն 1948 2.





Джоннатаан Свифт
Гулливер у Лилипутов
ГИЗ. С.С.Р. Армении

- 1031